

本報專電

華蒙義軍八千人異軍突起 響應蘇馬聯軍 進攻昂溪齊齊哈爾
蘇馬聯軍已下總攻擊令 李部曾一度佔領卜奎
汪定本月二十二日赴德 西南將再發通電反對接受調查報告書
平反寇會請政府逮捕駒井及通緝國賊 李白宣言反對與寇妥協

又有異軍突起！

華蒙義軍八千人響應蘇馬軍
突起反寇由洮昂路攻龍江城
(上海電)黑龍江與外蒙古交界處之華人與蒙人。聚眾八千人。槍馬俱全。突起組織義勇軍。響應馬占山與蘇炳文之聯軍。與洮昂路之李海青部聯絡。沿洮昂路進攻昂溪與齊齊哈爾。該軍前鋒。十三日已衝至昂溪附近之嫩江橋。與寇軍激戰。昨日一部份已沿嫩江越過昂溪。向齊齊哈爾進攻矣。

蘇馬聯軍總攻擊令已下

馬部昨日已再佔泰安鎮

(上海電)蘇炳文將軍與馬占山將軍。昨日對寇軍同下總攻擊令。與華蒙聯軍會攻昂溪。一路由甘南嫩江而上。進攻齊齊哈爾。

馬部仍沿齊克路(齊齊哈爾)及齊黑路(齊齊哈爾)向齊齊哈爾挺進。馬部主力軍昨日已佔領齊克路之泰安鎮。先鋒節節向齊齊哈爾進逼。戰事劇烈。

李海青部直抵龍江
(上海電)李海青部義勇軍。由安達。林甸。密佈龍江省城附近。前夜乘寇軍不備。突起襲擊卜奎。一舉而佔領之。後寇軍大集。義軍以寡寡不敵。乃自動撤退近郊。以待蘇馬聯軍之大隊。

開到。再行進攻云。

遼西義勇軍又已攻佔義縣

熱邊戰事仍異常劇烈

(上海電)朱壽清所統率之遼西義勇軍。十三日夜突起襲擊義縣。該地寇軍倉猝應戰。不支大敗。退出城外。我義軍已將義縣完全佔領。侵熱寇軍後路被斷。大恐。現正積極反攻。熱邊戰事劇烈。

北平反寇會請求政府

下令逮捕駒井德三

(上海電)北平電。偽組織傀儡政府高等參議駒井德三。將來平活動之消息傳出後。各界民衆。聞之大憤。北平反寇會當即召集緊急會議。商議應付對策。結果議決。要求中央政府及平津當局。於駒井來平時。加以逮捕。同時并議決。請中央政府下令通緝溥儀及東三省所有一切賣國奸賊。以正典刑。

李宗仁白崇禧昨發通電

反對調查團報告書提議

擁護西南主張抵抗到底

(本報今日)廣西省軍事領袖李宗仁及白崇禧。昨日亦發出通電。反對調查團報告書所提議之對日直接談判辦法。擁護西南各中委日前之通電。主張對敵人抵抗到底。寧爲玉碎。勿作瓦全。其反對理由。與西南各中委之通電相同。

寧粵裂痕將愈演愈深

西南各中委已準備

再發二次通電反對

(上海電)中央接受國聯調查報告提議。二次通電。誓死反對中央政府接受國聯調查委員會報告書之提議。與寇方直接談判。謀和平妥協。若中央再置之不理。西南各省將有舉動。據一般人士觀察。寧粵裂痕。因此將愈演愈深。

國聯討論報告書

邀請調查團出席

(路透社十五日電)國聯理事會已邀請調查團人員出席討論報告書。衆信此舉。爲遵照調查團之意。使各團員能說明一切發生疑問之各點。然此舉之最重要者。爲使美國與處置調查團報告發生切實關係。因調查團中之美代表麥凱將軍亦須出席會議云。

汪精衛偕曾仲鳴赴德

本月二十二日由滬起程

(上海電)汪精衛已決意出洋。將偕曾仲鳴赴德國休養。行期已定本月廿二日由滬起程。船票已購妥法輪。安德爾達號(AZDRELEWON)。約本月底可抵星洲。

寧方各要人聚集上海

與汪精衛告別并商政局

(上海電)寧方各要人聞汪精衛將出洋之消息後。已紛紛來滬。希在汪氏未離滬前。與汪磋商政局并告別云。

四川戰事有再起可能

雙方盤馬彎弓待再發

(上海電)李其相。羅澤洲自得重慶劉湘之接濟後。昨又開始向崇慶反攻。先鋒離城僅三十里。城內劉文輝部準備抵抗。故第二次戰事。恐難倖免。鄧錫侯亦派兵一旅赴崇慶。希武裝調停。但劉湘又調二旅開往。故戰事有擴大勢。

鄧田否認曾具名通電

要求中央改組省政府

(上海電)鄧錫侯。田頌堯否認曾具名通電。要求中央改組四川省政府。據一般觀察。鄧田關係袒護劉文輝云。

山東戰事又起

中央代表走後韓部復進攻

掖縣人民已大遭池魚之殃

(上海電)中央代表李俠。方裕光離魯後。據劉珍年報告。韓復榘部又進攻掖縣及萊陽。韓部且於昨日(十五日)下總攻擊令。劉珍年禁止掖縣人民逃難。以人民作當箭牌。抵抗韓部進攻。掖縣已被圍甚久。城內人民之糧食。飲水。冬衣。全被劉部軍隊劫去。人民無衣無食。凍餓而死者甚衆。城內已成活地獄。

(上海電)中央內政部。已定於十二月十日開全國吏治會議。

